

# BAJRANG BAAN LYRICS

SONG NAME	BAAN
SINGER NAME	ANURAN
DOWNLOAD FROM	<a href="#">SHAYARZAADA/LYRICS</a>

॥ दोहा ॥

निश्चय प्रेम प्रतीति ते, बिनय करै सनमान ।  
तेहि के कारज सकल सुभ, सिद्ध करै हनुमान ॥

॥ चौपाई ॥

जय हनुमंत संत-हितकारी ।  
सुनि लीजै प्रभु बिनय हमारी ॥

जन के काज बिलंब न कीजै ।  
आतुर दौरि महासुख दीजै ॥

जैसे कूदि सिंधु के पारा ।  
सुरसा बदन पैठि बिस्तारा ॥

आगे जाय लंकिनी रोका ।  
मारेहु लात गई सुरलोका ॥

जाय बिभिशन को सुख दीन्हा ।  
सीता निरखि परम-पद लीन्हा ॥

बाग उजारि सिंधु महं बोरा ।  
अति आतुर जमकातर तोरा ॥

अछय कुमार मारि संहारा ।  
लूम लपेटि लंक को जारा ॥

लाह समान लंक जरि गई ।  
जय जय धुनि सुरपुर नभ भई ॥  
अब बिलम्ब केहि कारन स्वामी ।  
कृपा करहु उर अंतरजामी ॥  
जय जय लखन प्रान के दाता ।  
आतुर है दुख करहु निपाता ॥  
जय हनुमान जयति बल-सागर ।  
सुर-समूह-समरथ भट-नागर ॥  
ॐ हनु हनु हनु हनुमंत हठीलैय ।  
बैरिहि मारु ब्रज की किले ॥  
ॐ हीं हीं हीं हनुमंत कपीसा ।  
ॐ हूं हूं हूं हनु अरि उर-सीसा ॥  
जय अंजनि कुमार बलवंता ।  
संकरसुवन बीर हनुमंता ॥  
बदन कराल काल-कुल-घालक ।  
राम-सहाय सदा प्रतिपालक ॥  
भूत, प्रेत, पिसाच, निसाचर ।  
अगिन बेताल काल मारी मर ॥  
इन्हें मारु, तोहि सपथ राम की ।  
राखु नाथ मरजाद नाम की ॥  
सत्य होहु हरि सपथ पाई कै ।  
रामदूत धरु मारु धाई कै ॥

जय जय जय हनुमंत अगाधा ।  
दुख पावत जन केहि अपराधा ॥

पूजा जप तप नेम अचारा ।  
नही जानत कछु दास तुम्हारा ॥

बन उपबन मग गिरी गृह माहीं ।  
तुम्हरे बल हौऊ डरपत नाही ॥

जनकसुता-हरि-दास कहावौ ।  
ता की सपथ, बिलंब न लावौ ॥

जय-जय-जय-धुनि होत अकासा ।  
सुमिरत होय दुसह दुख नासा ॥

चरन पकरि, कर जोरि मनावौ ।  
याहि औसर अब केहि गोहरावौ ॥

उठु, उठु, चलु, तोहि राम-दोहाई ।  
पायं परौं, कर जोरि मनाई ॥

ॐ चं चं चं चं चं चपल चलंता ।

ॐ हनु हनु हनु हनु हनु-हनुमंता ॥

ॐ हं हं हॉक देत कपि चंचल ।

ॐ सं सं सहमि पराने खल-दल ॥

अपने जन को तुरत उबारौ ।

सुमिरत होय अनंद हमारौ ॥

यह बजरंग-बाण जेहि मारै ।

ताहि कहौ फिरि कवन उबारै ॥

पाठ करै बजरंग-बाण की ।  
हनुमत रच्छा करै प्रान की ॥  
यह बजरंग-बाण जो जापै ।  
तासों भूत-प्रेत सब कापै ॥  
धूप देय जो जपै हमेसा ।  
ता के तन नहीं रहै कलेसा ॥

॥दोहा॥

उर प्रतीति दृढ़, सरन है, पाठ करै धरि ध्यान ॥  
बाधा सब हर, करै सब काम सफल हनुमान ॥

Thank you  Team

**LYRICS**

By SHARZAADA